



PAASISSUTISSAT

Illersornissaq sillimaniarnerlu pillugit Kalaallit Nunaata, Danmarkip USA-llu akornanni isumaqatigiissut

ISUMAQATIGIISSUT PILLUGU NAATSUMIK

- Isumaqatigiissut Illersornissaq pillugu 1951-imi isumaqatigiissummut tapiliussaavoq Illersornissamullu Isumaqatigiissutinut ukiunik 75-inik pisoqaassusilinnut naleqqussaallunilu nutarterisuuvoq.
- Isumaqatigiissummi Kalaallit Nunaata USA-llu illersorneqarnerannik pitsanngorsaasoqarpoq, Kalaallit Nunaata Danmarkillu killiliussaata ataqqineqarlutik.
- Isumaqatigiissummi Kalaallit Nunaat naligisatut akuersaarneqarpoq illersornissamullu suleqatigiinnermut kalaallit kissaataat arlallit pingaarutillit akuersaaneqarlutik.

ISUMAQATIGIISSUTIP IMARISAI PINGAARNERIT

- Kunneqarfiup Danmarkip killeqarfiisa, nammineq oqartussaassuseqarneranik aalajangiinnaassuseqarneranillu tamakkiisumik ataqqinnineq. Nunap immikkoortuanik namminerlu aalajangiinnaassuseqarnermik tunniussisoqanngilaq.
- Nunat tamalaat akornanni inatsit naapertorlugu inuiaat Kalaallit nammineq aalajangiinnaassuseqartutut inuiattut isigineqarnissaannik akuersaarneq.
- Kalaallit Nunaata ataatsimut sillimaniarnermut tapeeqataaerneranik akuersaarneq.
- Issittumi pissutsit allanngornerannik, kiisalu sillimaniarnermi iliuuseqarnerusariaqarnermik isumaqatigiinneq.
- Kalaallit Nunaat atsioqataavoq isumaqatigiissullu inuiaqatigiinnut iluaqutaassaaq.

ISUMAQATIGIISSUT USA-P ILLERSORNISSAQARFIISA ATUGAANNIK NALEQQUSSAASOQ

- USA-p Kalaallit Nunaanni illersornissaqarfinnik nutaanik pilersitsisinnaaneramik atortulersuutinillu inoqanngitsunik nutaanik (assersuutigalugu/soorlu. radareqarfiit silasiorfiilluunniit) pilersitsisinnaaneramik uppernarsaavoq. Nutaanik pilersitsisoqassappat Kalaallit Nunaat Danmarkilu akuerseqqaassapput, kiisalu Kalaallit inuiaqatigiit eqqarsaatigineqassallutik avatangiisillu qajassuunneqassallutik. Matumuuna assersuutigalugu inuiannik pinngitsaaliilluni nuutsitsinerit Kalaallit Nunaata Danmarkillu pinngitsoortissinnaavaat.
- Narsarsuaq aamma Mestersvig siunissami sumiiffissatut ilanngunneqarput. Ingerlariaqqittoqassappat tunngavissat sumiiffinni inuiaqatigiit avatangiisillu /qajassuunneqarnissaannik qulakkeerinninnissamut tunngasut isumaqatigiissutigineqareersimassapput.

ISUMAQATIGIISSUT USA-P SAKKUTOOQARNIKKUT PILERSITSINISSAANUT NALEQQUSSAASOQ

- Uppernarsaqqinneqarpoq USA-p timmisartuisa Kalaallit Nunaata qulaannissaanut miffiginissaanullu periarfissaqarnera kiisalu USA-p umiarsuai, timmisartui sakkutuulu USA-p illersornissaqarfiisa akornanni killeqanngitsumik angalasinnaasut.
- Illersornissamut atatillugu isumaqatigiittoqartillugu USA-p umiarsuaasa Kalaallit Nunaata killeqarfiisa iluini angallavigisinnaasat annertusineqarput. USA-p aqqartartuisa sumiiffinni taakkunani angalasinnaalissapput.
- USA-p sakkutooqarnikkut najuussinnaaneranut pisinnaatitaaffii tamarmik ima atorineqassapput kalaallit inuiaanerannut inooriaasaannullu ataqqinnilluni. Najuussinnaatitsineq Kalaallit Nunaata, Danmarkip USA-llu akornanni Ataatsimiititaliami Ataavartumi (Permanent Committee) oqaluuserineqartassaaq.

ISUMAQATIGIISSUT KALAALLIT SULIFFEQARFIINUT ILUAQUTAASOQ

- Kalaallit Nunaat USA-p najuunneranit tigussaasumik annertuumillu iluaquserneqassaaq.
- Aningaasaliisartut Kalaallit Nunaata iligisaanneersut kisimik suliaasaqarfinni mianerisassani sunniuteqarsinnaapput. Aningaasaliinerit misissorneqartarnissaat pillugit Kalaallit Nunaata inatsiseqalerneratigut isumaqatigiissut atuutilersinneqassaaq.
- USA-p illersornissaqarfeqarneratigut isumaqatigiissutit iluanaarniutaasut siullermik danskit kalaallillu suliffeqarfiinut neqeroorutaasarsimasut, maanna neqerooruteqarnermi kalaallit suliffeqarfii pingaarnerpaasussanngorput. Pisussaaffik inatsisilerinikkut pituttuisuuvoq.



ISUMAQATIGIISSUT AVATANGIISIMIK ILLERSUISOQ

- Isumaqatigiissummi Kalaallit Nunaata avatangiisiinik illersuisariaqarnej inuiaallu kalaallit namminneq inooriaaseqarnerisa qajassuunnissaat akuersaarneqarput. Matumani piniarnermut aalisarnermullu tunngasut pineqarput.
- Avatangiisit eqqarsaatigineqarnissaat 1991-imi isumaqatigiissummeersut aamma 2004-mi Igalikumi isumaqatigiissummeersut maanna inatsisilerinikkut pituttuisunngorlugit allanneqarput, taamaattumillu USA-p siunissami Kalaallit Nunaanni illersornissaqarfigisassaanut atortulersuutitullu pilersinniagaanut atuutissallutik.

ISUMAQATIGIISSUT NATO-MUT NUKITTORSAASOQ

- NATO-p issittumi peqataanerulernissaanut tapersiisoq.
- Nunat NATO-mut ilaasortaasut kisimik Kalaallit Nunaanni illersornissaqarfinnik pilersitsisinnaapput ataavartumillu sakkutooqarnikkut najuutsitsisinnaallutik.
- Kalaallit Nunaat siunissami naalagaaffinngornikkut NATO-mi ilaasortaaginnarnissamut isumaqatigiissummillu attassiinnarnissamut pisussaaffeqalerpoq.

